

Na osnovu člana 8. stav 1. tačka d) i člana 26. stav 1. Zakona o javnim preduzećima u Federaciji Bosne i Hercegovine („Službene novine FBiH“, broj 8/05, 81/08, 22/09 i 109/12), članova 67. i 69. Statuta JP „Komus“ d.o.o. Gračanica kao i odluke Nadzornog odbora broj: 01/3-531/18 od 27.06.2018. godine, Nadzorni odbor JP „Komus“ d.o.o. Gračanica raspisuje:

JAVNI KONKURS ZA IZBOR I IMENOVANJE NA POZICIJU PREDsjedNIKA I ČLANOVA ODBORA ZA REVIZIJU J.P. "KOMUS" D.O.O. GRAČANICA

I

Objavljuje se Javni konkurs za izbor i imenovanje kandidata na poziciju predsjednika i 2 (dva) člana Odbora za reviziju JP „Komus“ d.o.o. Gračanica (u daljem tekstu: Preduzeće).

II

Nadzorni odbor Preduzeća će izvršiti izbor kandidata Odbora za reviziju, većinom glasova na osnovu provedenog Javnog konkursa i podnijeti prijedlog za imenovanje Skupštini Preduzeća.

Mandat članova Odbora za reviziju traje 4 (četiri) godine, sa mogućnošću ponovnog izbora, u skladu sa zakonom.

Dužnosti Odbora za reviziju utvrđene su članom 28. Zakona o javnim preduzećima Federacije Bosne i Hercegovine te članom 71. Statuta JP „Komus“ d.o.o. Gračanica.

Naknada i druga prava članova Odbora uređuju se ugovorom na osnovu odluke Skupštine Preduzeća.

III

Kandidat koji aplicira za člana Odbora za reviziju mora ispunjavati slijedeće uslove:

A. OPĆI

1. da je stariji od 18 godina, a mlađi od 65 godina na dan imenovanja, (dokaz: ovjerena kopija lične karte),
2. da je državljanin Bosne i Hercegovine i da ima prebivalište u Bosni i Hercegovini, (dokaz: uvjerenje o državljanstvu, origina ili ovjerena kopija ne starije od 6 mjeseci i CIPS-ovu prijavu prebivališta ne stariju od 3 (tri) mjeseca),
3. da nije otpušten iz državne službe, kao rezultat disciplinske mjere na bilo kojem nivou u Bosni i Hercegovini u periodu 3 (tri) godine, prije dana objavljivanja ovog konkursa, (dokaz: potpisana izjava ovjerena od nadležnog organa),
4. da se na njega ne odnosi član IX. 1. Ustava Bosne i Hercegovine, (dokaz: potpisana izjava ovjerena od nadležnog organa),
5. da se protiv njega ne vodi krivični postupak, odnosno da nije osuđivan za krivično djelo i privredni prijestup-prekršaj nespojive s dužnošću člana Odbora za reviziju, 5 (pet) godina od dana pravosnažnosti presude, isključujući vrijeme zatvorske kazne (dokaz: potpisana izjava ovjerena od nadležnog organa a uvjerenje nadležnog suda i policijske uprave o nevođenju krivičnog postupka, odnosno da nije osuđivan za krivično djelo ili privredni prijestup-prekršaj koji predstavlja smetnju za imenovanje na poziciju člana Odbora za reviziju, (ne starije od 3 mjeseca) prilaže naknadno izabaran kandidat
6. da nije lice kojem je presudom suda zabranjeno obavljanje dužnosti u nadležnosti Odbora za reviziju, (dokaz: potpisana izjava ovjerena od nadležnog organa a uvjerenje naknadno prilaže izabrani kandidat),
7. da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu Zakona o sukobu interesa u institucijama vlasti F BiH odnosno Bosne i Hercegovine, (dokaz: potpisana izjava ovjerena od nadležnog organa),
8. da nije na funkciji u političkoj stranci, (dokaz: potpisana izjava ovjerena od nadležnog organa),
9. da nije član Nadzornog odbora ili Uprave Preduzeća, zaposlenik Preduzeća, niti da ima direktni ili indirektni finansijski interes u Preduzeću, (dokaz: potpisana izjava ovjerena od nadležnog organa).

B. POSEBNI

- da ima visoku stručnu spremu VII stepen složenosti zanimanja– ekonomski, pravni ili tehnički fakultet (dokaz: ovjerenu fotokopiju dokaza o stručnoj spremi),
- najmanje tri godine radnog iskustva na poslovima u struci (dokaz: potvrda/uvjerenje o radnom iskustvu)
- da posjeduje stručna znanja vezana za nadležnosti i rad Odbora za reviziju i način rada organa upravljanja privrednih društava.

IV

Prilikom procjene kvalifikacija i iskustva kandidata uzet će se u obzir i slijedeće:

- stručne i iskustvene sposobnosti za razumijevanje poslovnih izvještaja i vršenje finansijskog nadzora, te poznavanje zakona i propisa na području djelovanja Odbora za reviziju
- prilagodljivost timskom radu i sposobnost za savjesno i odgovorno vršenje dužnosti, sposobnost odlučnog i nepristrasnog donošenja odluka,
- rezultati ostvareni tokom prethodnog radnog angažmana i preporuka poslodavca,
- poželjno posjedovanje certifikata za samostalnog računovođu (dokaz: ovjerenu kopiju certifikata za samostalnog računovođu)

V

Kandidati koji uđu u uži izbor biće pozvani na intervju.

Javni konkurs za podnošenje prijava ostaje otvoren 15 (petnaest) dana od dana zadnjeg objavljivanja u dnevnom listu „Oslobođenje“ ili „Službenim novinama FBiH“.
Prijave kandidata treba da sadrže: biografiju, adresu i kontakt telefon.

Prijave sa svim traženim dokumentima treba dostaviti lično ili preporučenom poštom, na adresu:

JP „Komus“ d.o.o. Gračanica
ul. Muhameda Seida Mašića b.b. (Zelena pijaca)
75 320 Gračanica

sa naznakom „Prijava na Javni konkurs za izbor i imenovanje Odbora za reviziju“

Neblagovremene i nepotpune prijave neće se uzeti u razmatranje.

Gračanica, 29.06.2018. godine

PREDSJEDNIK NADZORNOG ODBORA
Zumreta Kenjar



The stamp is circular and blue. It contains the text 'JP "KOMUS" GRAČANICA' in the center, with '3' below it. The outer ring of the stamp contains the text 'JAVNO PREDUZEĆE ZA KONZULTING I REVIZIJU' at the top and 'sa ograničenom odgovornošću' at the bottom. A handwritten signature is written over the stamp.